

ACORDO DE COLABORACIÓN ENTRE O CONCELLO DE PONTEVEDRA E A FUNDACIÓN SANTIAGO APÓSTOL DE CIENCIAS SOCIALES, ENTIDADE XURÍDICA RESPONSABLE DA ESCOLA UNIVERSITARIA DE TRABALLO SOCIAL DE SANTIAGO DE COMPOSTELA, PARA O DESENVOLVEMENTO DA FORMACIÓN EN CENTROS DE TRABALLO

Santiago de Compostela, a 9 de novembro de dous mil once.

REUNIDOS

Por unha parte, D^a Teresa Facal Fondo, con D.N.I. nº 32.748.615L como Delegada da *Fundación Santiago Apóstol de Ciencias Sociales*, entidade xurídica responsable da Escola Universitaria de Traballo Social, centro adscrito á Universidade de Santiago de Compostela, con domicilio na Praza da Inmaculada, nº 5 – 3^a planta, código postal 15704 de Santiago de Compostela, e código de identificación fiscal G15666514.

E doutra banda, don Miguel Anxo Fernández Lores, con DNI nº 35.427.948-J, actuando en nome e representación do Concello de Pontevedra, no uso das facultades que se lle atribúen na súa condición de Alcalde-Presidente do mesmo, ao abeiro do disposto no artigo 124.4.a) da Lei 7/1985, do 2 de abril, reguladora das bases do réxime local, modificada pola Lei 57/03 do 16 de decembro de medidas para a modernización do Goberno Local, así como o disposto na artigo 41 do Real D.L 2568/1986, do 28 de novembro polo que aprobase o Regulamento de Organización, Funcionamento e Réxime Xurídico das Entidades Locais.


EXPOÑEN

Que ambas as partes recoñécense recíprocamente capacidade e lexitimidade para acordar.

Que o obxectivo do presente acordo é a colaboración entre as entidades ás que representan para o desenvolvemento do prácticum do alumnado de traballo social.

ACORDAN

Subscribir o presente acordo de colaboración para o desenvolvemento da formación do alumnado de traballo social, no marco da materia de practicum dos seus plans de estudios, nos programas, proxectos, actividades e servizos do Servizo de Benestar Social do Concello de Pontevedra.



CLÁUSULAS

Primeira.- OBXECTO DO CONVENIO

O obxecto do convenio será establecer unha relación efectiva entre ámbalas dúas partes co fin de que o alumnado de traballo social poida realizar prácticas, no marco da materia de practicum dos seus plans de estudos, nos programas, proxectos e actividades do servizo de Benestar Social do Concello de Pontevedra, en todo caso a formación do alumnado de traballo social en ningún momento poderá afectar ao normal funcionamento do servizo.

Segunda.- RELACIÓN COA ENTIDADE

O feito de que o alumnado realice prácticas no Concello de Pontevedra, entidade colaboradora, non suporá ningún tipo de relación laboral con el sendo esta exclusivamente académica, nin determinará a existencia dende ningunha responsabilidade pola súa parte.

O número de alumnos en prácticas será determinado de mutuo acordo, cada ano, entre as partes. Estarán acollidos ao Régime Xeral do Seguro Escolar na cobertura dos riscos de enfermidade e accidentes, sen prexuízo da póliza que la Fundación poida subscribir como seguro adicional para mellorar as indemnizacións, cubrir danos a terceiros ou responsabilidade civil.

Os alumnos garantirán e asinarán un documento de confidencialidade da información e dos datos, tanto orais como escritos, que con ocasión das prácticas tivesen coñecemento.

Terceira.- TITOR RESPONSABLE


A actividade desenvolvida polos alumnos en todo momento será apoiada ou orientada por un traballador social dependente do concello de Pontevedra, designado a tal efecto polo responsable da oficina técnica de Servizos Sociais.

A Fundación para cada un dos períodos e prazos das prácticas que se convoquen, nomeará as persoas, da institución, que actuarán como coordinadores-responsables.

A entidade responsable da docencia presentará ao traballador social responsable do alumno o programa de prácticas a realizar por éste, e fará un seguimento do alumnado en coordinación co tutor do concello de Pontevedra, e este pola súa parte enviará á Escola un informe de evaluación das referidas prácticas unha vez concluido o cumprimento das mesmas. Se poderá facer unha revisión da programación, se for necesario, unha vez iniciado o período de prácticas.

Cuarta.- MEMORIA DAS PRÁCTICAS

Ao remate de cada período de prácticas cada un dos alumnos deberá realizar unha memoria final sobre o traballo realizado, quedando o Concello cun exemplar das memorias e dos traballos realizados.



Quinta.- PROCEDEMENTO DE AVALIACIÓN

A avaliación das prácticas será realizada pola fundación a través do titor/-ra, tendo en conta a memoria e o informe do titor/-ra de prácticas da entidade colaboradora.

A supervisión e avaliación de cada alumno será efectuada por un profesor de traballo social; con tal fin remitirá ao profesional responsable do centro ou servizo onde se realizan as prácticas un cuestionario evaluativo das mesmas. Sendo ao rematar éstas o profesor da Escola o responsable último da nota dos alumnos.

Sexta.- CAUSAS DE EXTINCIÓN

O presente acordo poderase extinguir por finalización do tempo convido e poderase rescindir por calquera das partes, mediante denuncia dalgunha delas que se lle deberá comunicar a outra cunha antelación mínima de cinco días, baseada nalgúnha das seguintes causas:

- a) Cesamento de actividades do centro docente
- b) Forza maior que imposibilite o desenvolvimento das actividades programadas.
- c) Incumprimento das cláusulas establecidas no convenio específico de colaboración, inadecuación pedagóxica das prácticas formativas ou vulneración das normas que estean en cada caso vixentes en relación coa realización das actividades programadas.
- d) Mutuo acordo entre as partes subscritoras.

Un alumno/a poderá ser excluído da súa participación nas prácticas por decisión da Fundación ben sexa por iniciativa propia ou a instancia do concello nos seguintes casos:

- a) Falta de asistencia e/ou puntualidade non xustificadas.
- b) Actitude incorrecta ou falta de aproveitamento, tras unha audiencia coa persoa interesada.


Sétima.- COLABORACIÓN

A entidade responsable da docencia expedirá aos traballadores sociais colaboradores que coordinen as prácticas dos alumnos un certificado de colaboración e lles facilitará o acceso ao material bibliográfico e documental que posúe, así como á formación a través dos cursos que organice a mesma para profesionais responsables de alumnos.

O Concello de Pontevedra e a Delegada da *Fundación Santiago Apóstol de Ciencias Sociales* designarán ás persoas que realizarán o seguimento deste acordo, así como o control e desenvolvemento da actividade obxecto do mesmo.

Oitava.- ENTRADA EN VIGOR E DURACIÓN

Este convenio entrará en vigor o día seguinte do seu asinamento e estará vixente ata o remate do curso académico correspondente, prorrogándose de xeito expreso por cursos académicos sucesivos.



En calquera caso o convenio non poderá rescindirse no caso de que haxa alumnos/as seleccionados/as para realizar un período de prácticas, mentres non rematen estas. A súa duración será de catro anos prorrogables anualmente ata un máximo de seis .

Novena.- XURISDICCIÓN

O Concello de Pontevedra e a Fundación comprométense a resolver de maneira amistosa calquera desacordo que poida xurdir no desenvolvemento do presente acordo.

No seu caso, as partes contratantes someterán as diverxencias que puideran presentarse en orden á interpretación ou cumprimento do presente Convenio á xurisdición Contencioso-Administrativa, dado o carácter público da Universidade.

E, en proba de conformidade, asinan as partes o presente convenio no lugar e data indicados ao confezo.

